



MEMORIA XUSTIFICATIVA E ECONOMICA DA S.A. DE XESTION DO PLAN XACOBEO RELATIVA AO CONVENIO DE COLABORACIÓN COA ASOCIACIÓN DE AMIGOS DE LA ETAPA 31 DEL CAMINO NORTE.

PRIMEIRO.-

1.- Constitúe o obxecto da Sociedade, entre outras as seguintes actividades

- As relacións coas asociacións de amigos do Camiño de Santiago.
- A coordinación de actuacións específicas relacionadas coa cultura xacobeá, en especial, as exposicións, así como a execución das encomendas de xestión que se poidan realizar nestas materias.

A S. A. de Xestión do Plan Xacobeo considera esencial e imprescindible o labor das Asociacións de Amigos do Camiño de Santiago en orde a potenciar os itinerarios xacobeos, a información aos peregrinos, os programas de voluntariado como hospitaleiros nos albergues, a promoción da cultura xacobeá e todo aquilo que redunde en beneficio do Camiño de Santiago e dos peregrinos.

O Camiño de Santiago reúne unha rica experiencia histórica e a vivencia intercultural contemporánea nun excepcional escenario natural, patrimonial e humano. Ao longo dos séculos o Camiño de Santiago consolidou unha amplísima rede de itinerarios que abrangue toda Europa e España e que ten como meta a Catedral de Santiago de Compostela, en definitiva Galicia.

Que a Asociación Amigos de la etapa 31 del Camino Norte de Santiago ten entre os seus fins:

- *Dar apoio, en ruta, aos peregrinos que realicen o Camiño do Norte de Santiago principalmente no tramo comprendido entre Baamonde. Sobrado dos Monxes (etapa 31).*
- *Contribuír á conservación e divulgación do Camiño do Norte como parte integrante do patrimonio da provincia de Lugo e da Comarca de Terra Chá.*
- *Impulsar accións que promovan un desenvolvemento económico e social respectuoso co medio ambiente e que axuden a mellorar a calidade de vida das poboacións locais por onde discorre o Camiño do Norte (principalmente na etapa 31) buscando sempre o equilibrio entre conservación e desenvolvemento.*
- *Axudar a preservar e a poñer en valor o patrimonio cultural, histórico, natural, artístico e arquitectónico da provincia, da comarca e en especial da etapa 31 do Camiño do Norte.*
- *Promover o coñecemento, sensibilización, consenso e adhesión de todos respecto á riqueza e os valores do fenómeno xacobeo.*

Entre as diversas actuacións que promoven dende esta asociación están: manter un punto de apoio ao peregrino na etapa 31 ofrecendo información xeral da etapa, como



mínimo nos meses de maior afluencia do ano; promover xornadas, debates, entrevistas, actividades socio-culturais, etc.

A *Asociación de Amigos de la Etapa 31 del Camino Norte* pretende a elaboración dun folleto coa información desta etapa do Camiño Norte, tanto do patrimonio como da infraestrutura da etapa da etapa que discorre en gran medida pola Reserva da Biofesta “Terras do Miño”. O obxectivo do folleto é divulgar os recursos naturais, etnográficos e monumentais así como facilitar información (hospedaxe, comercios, servizos de transporte, etc.) para os peregrinos que elixan o Camiño do Norte.

Con esta publicación a Asociación, pretende unha maior visualización do Camiño do Norte, especialmente da etapa 31 que abrangue un novo trazado establecido na recente delimitación oficial do Camiño Norte aprobada pola Consellería de Cultura, Educación e Ordenación Universitaria. Amais este Camiño Norte foi declarado no pasado ano 2015 como Patrimonio Mundial resultando importante aquelas actuacións que contribúan ao seu coñecemento e valorización.

A colaboración iniciada no ano 1992 pola S.A. de Xestión do Plan Xacobeo para a difusión das rutas xacobeas coas Asociacións de Amigos do Camiño de Santiago, instaladas tanto dentro coma fóra do territorio galego converteuse, co paso dos anos, nunha ferramenta imprescindible para fomentar a chegada de peregrinos que, á súa vez, impulsan o desenvolvemento económico e social de Galicia. Estas entidades son as principais prescriptoras e informadoras dos futuros peregrinos, distribuindo cada ano, nos cinco continentes, milleiros de credenciais, folletos informativos, etc., que teñen en todos os casos a Galicia como meta. Como é fácil comprobar en decenas de webs e redes sociais realizan estas accións sen custe para a nosa Comunidade Autónoma, maila concentrarse aquí os tramos finais de todas as vías xacobeas e a meta das mesmas.

Por todo o descrito, as referidas actuacións que se desenvolverán dentro do ámbito de vixencia deste Convenio, encaixan no marco das relacións coas Asociacións de Amigos do Camiño de Santiago que ten encomendadas esta Sociedade Anónima, non sendo posible promover a concorrência pública, dada a especificidade do programa e a natureza da Asociación única no seu ámbito territorial.

Ademais este convenio cumpre cos criterios obxectivos de selección sinalados no Plan Estratéxico, en concreto:

a/ criterios xerais

- É un proxecto tecnicamente completo, pois a documentación que se achega xustifica suficientemente a súa formulación.
- O proxecto é viable, tanto en termos de execución económica como social.



- Realízase a difusión e promoción do Camiño de Santiago na súa ruta do Camiño Norte
- Se contempla a difusión dos resultados acadados ante a opinión pública, contribuíndo deste xeito ao labor de sensibilización ao redor do Camiño de Santiago.
- A Asociación conta cunha ampla experiencia que garante a súa capacidade técnica, organizativa e de xestión para levar a cabo o proxecto a realizar.
- O apoio a esta Asociación redonda de maneira efectiva na conservación, recuperación e difusión do Camiño de Santiago e da cultura xacobeana no territorio do sur da provincia de Lugo.

b/ criterios específicos:

- A Asociación de Amigos Amigos de la Etapa 31 del Camino Norte posúe un importante número de socios no territorio do sur de Lugo, especialmente no concello de Guitiriz afectado polo novo trazado oficial deste Camiño Norte.
- A implantación da Asociación no territorio da provincia de Lugo está moi consolidada.
- O seu labor de conservación e sinalización do Camiño neste territorio é amplamente recoñecido.
- Esta Asociación coas súas actividades contribúe notablemente a promoción e mantemento do Camiño neste ámbito territorial
- A declaración do Camiño Norte como Patrimonio Mundial no pasado ano implica a necesidade de afondar en accións promocionais e de información para responder ás necesidades dos peregrinos que o percorren cada ano en maior número.

O orzamento da actividade a financiar ao abeiro deste convenio é o seguinte:

Concepto	Importe
Elaboración do folleto, tradución a alemán, inglés e francés así como impresión e demais gastos	3.448,50
Total	3.448,50

A S.A. de Xestión do Plan Xacobeo aboará a cantidade de 1.865,00 euros coa finalidade de ser atendidos parte dos gastos xerados con cargo aos orzamentos do ano 2016 e na conta contable 627 que se distribuirán segundo o exposto anteriormente. A achega so cubrirá o custe para o desenvolvemento das actividades sen que a Asociación poida obter beneficio algún polo mesmo.

A través deste convenio de colaboración establécese unha achega monetaria sen contraprestación da S.A de Xestión do Plan Xacobeo, o que se axusta á figura xurídica privada da doazón modal e que debe suxeitar aos principios de xestión contidos no artigo 5.2 e aos de información a que fai referencia o artigo 16, ao abeiro do disposto no artigo 3.2 da Lei 9/2007, do 13 de xuño, de subvencións de Galicia.

Así mesmo, e como quedou exposto máis arriba, a subscrición deste convenio e a achega que con él se obriga a realizar a S.A. de Xestión do Plan Xacobeo garda relación directa co obxecto da actividade contido nos seus estatutos.

En Santiago a 10 de outubro de 2016

Rafael Sánchez Bargiela
Director-Xerente